



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 3. Terra ardoribus excusta, Deo puniente.

[urn:nbn:de:hbz:466:1-52365](https://nbn-resolving.org/urn:nbn:de:hbz:466:1-52365)

richuntinis viridarijs nasci solitum, in Ægyptum sit translatum, vbi non alia irrigatum aqua crescit, quàm illius fontis, qui B. Virgini Mariæ, Filioque illius scaturijt exulanti.

Iouiol. 17.
hist.

§. III.

Terra ardoribus exusta, Deo puniente.

Ne quis autem existimet, caligine tantum, aut luminis subductione, vel siccitate, ac sterilitate terras deformari, deformantur & igne, & motu, quando diuinâ irâ percussæ contremiscunt. Tametsi enim

Plin. li. 2.
nat. hist.
cap. 79.

nihil aliud est in terra tremor, quàm in nube tonitruum; nec hiatus aliud, quàm cum fulmen erumpit, incluso spiritu luctante, & ad libertatem exire nitente: vtitur tamen natura Deus, & in perniciem impiorum frænos laxat elementis. Hinc illa: *Quia dies ultionis*

Isa. 34. 8.

Domini, annus retributionis iudicij Sion, conuertentur torrentes eius in picem, & humus eius in sulphur: & erit terra eius in picem ardentem.

Quo pacto Vesuuius mons, teste Eusebio, Anno Christi 83. rupto vertice, tantam flammaram copiam euomit, vt finitimæ regiones vrbésque, vnà cum hominibus, incensæ fuerint ac desertæ. Circa annum

Euseb.

An. 83.

Vign.

An. 82.

Palm.

An. 1135.

1135. tantus in Gallia calor, tantaque sicci-

Robert.
An. 1137.
Plal. 17.
9.

siccitas extitit, vt terra ardere, & flammæ, cum ingenti populi terrore, emittere inciperet. Quod varijs in locis euenit, igne exuffis à Deo, quando *ascendit fumus in ira eius, & ignis a facie eius exarsit: carbones succensi sunt ab eo.* Sic ignem igne compensat. Ardent homines auaritia, ira, odio, libidine: incendunt pauperum casas, innocentium domos, pagos, ciuitates, contra promissa, & fidem datam: hæc incendia, cur incendijs non puniantur? cum etiam, Politicis legibus, ad rogam damnentur, qui domum alterius malitiosè inflamauerunt.

§. IV.

Terra motus & hiatus à Deo irato.

Nec minus terrificum est, quod præcedit. *Commota est, & contremuit terra: fundamenta montium conturbata sunt, & commota sunt; quoniam iratus est eis.* Vt enim omittâ naturales terræ motuum causas, præcipua, cur terræ quatiantur, causa est Deus, *quoniam iratus est eis.* Non possunt quiescere, qui vehementer irascuntur. Vnde & *Ahsuerus rex iratus surrexit, & de loco conuiuij intravit in hortum arboribus consitum.* Ex quo motu & Aman intellexit, à rege sibi præparatum malum. Concionatores quoque, cum volunt

Esther. 7.
7.